

粵東金石略

粵東金石略卷第六

韶州府金石三

碧落洞諸刻

英德縣西南十五里岩前村羣岫環亘長溪縈紆窮阿
盡源呀然成洞唐元和六年周夔羽皇撰到難篇所謂
碧瀾之下寸寸秋色者也溪水自大洞中出亦有別育
小洞即南漢雲華石室昔劉晟遊此右丞番禺鍾允章
為記和七年其上有甌像臺云壁間鐫到難真境四字行艸
共長三尺四寸濶三尺五寸不知何時人書明崇禎中
知縣烏程吳永澄作碧落洞記已言育此四字洞舍人

氣故石壁題刻易於漶滅宋後諸題亦皆不可盡識而
求所謂羽皇到難之文竟不可得矣正洞空濶垂乳相
向十餘丈其竒洞亦深窅寒氣襲人不可入一野僧居
之而雲華室記亦無復可尋也壁上八分橫書碧落洞

三字又有篆書碧落洞天四字

工象之碑目云碧落洞指書三字鄧元泰書錄書三字范侍書

武功蘇緘宣甫詩此洞誰跡鑿難窮造化原地開疑窟
室岩透若天閣薜色高亙路樵聲裏外村雲嵐青欲滴
煙鐸翠堪捫一帶谿泉急千枝石乳繁鼠飛猶白晝虎
嘯近黃昏老木吟風韻枯崖滲雨痕屢遊心靡倦不到
日常存衆景能兼有南方可獨尊碧瀾秋寸寸寧負羽

皇言皇祐四年三月二十三日書石 宣甫晉江人寶
元元年進士知邕州儂寇至嬰城以守城陷自焚死贈
奉國軍節度使謚忠勇此詩清源文獻載之關屢遊四
句

按唐介子方畧落洞詩有太
守縣宜甫遊我訪寺跡之句

轉運使度支郎中熙寧七年五月罷任來遊

崖卷層霄潤溪穿碧玉橫銀河一派水終日瀉天聲玉
峯剝不盡滿空碧琅玕太始藏靈氣寥寥五月寒熙寧
十年丁巳八月權發遣廣南東路轉運副使公事殿中
丞許彥先被召北歸纖舟琅石遊碧落洞十二日書
廣東轉運判官朝請大夫徐九思知英州朝散大夫梁

安陸時孝孫自廣東轉運判官受代北歸挈家游碧落洞回留一絕男執侍行時元祐八年八月初六日也

元祐八年九月十三日同兄葉子高姪德循道人丁同遊左朝奉郎充集賢校理轉運副使范閔父題

紹聖元年七月初十日通直郎知軍州事方希覺率軍事判官梁迥知滄光縣事初

此字不
甚分明

變真陽縣令何執禮

同遊何執禮新淦人一任何執誤也

真陽太守方公民先政成暇日行野觀稼與廬陵董粹承君照慶梁迥光遠照川洪敘備時中清溪李備季長席碧落洞以飲清初暑也放吟嘯歌幽響如答仰挹乳

溜披蘿讀故篆窺清淺之

字缺

泳聽陰翳之飛鳴溪聲玲

瓏湍激座隅時擊石鼓環山皆蓬蓬乃知人境外樂山

樂非絃匏也已而薄晚醉相與還而賓有悵然者口屈

指日

字缺

數公將北轅盡識茲會少慰吾黨

缺一字似到

後

也粹於是著觀游之勝而脩書之于崖陰而刻焉紹聖

三年四月十三日也異時公庶部

字缺

帥拄節南下定議

舟

字缺

尋觀前題而解顏歲月未幾恍若前日事而舊與

遊者尚能如今日復有從公遊者否公世家莆田希覺

名也

岳字旁挂寫

真陽馮齊參祖仁被命赴柳城教官朱矩方對李敷宣

道利仲平君倚餞送於此崇寧二年五月二十五日題

權叟遣轉運副使雷陽張琬德甫遊碧落洞二子永嗣
永世侍行甲申崇寧三年正月八日題 張琬崇寧元
年任轉運判官

大觀己丑仲夏臨川吳可邀鄉人王綱筠陽李報上報
君來遊希節侍行

南昌黃村教自廣東漕移治湖南維舟琅石游碧落洞
天尋幽探奇周覽彌日男彬榘楚琴侍行天台僧子
常同來政和強圉作噩孟余三日 黃村教政和時任
轉運使

臨江郭正仲假守是邦曰假日出遊鄉人董良佐偕來
男綸續紳經侍行紹興庚午立冬日題

長樂林垓仲高龍城潘詰肇則商河曲就成之開封王

秉國庭幹并

缺一字
似是門

冀安仁仲邵武朱尚尚志紹興壬申

上巳日同遊

東萊夏子昂題之同建安華一得伯愚玉牒趙時逵衡
甫三山林震龍驤卿勸農于碧落洞時紹定庚寅二月
十五日也 按此云勸農必官于韶者而志無之

莆田顧孺履嵩禺李昂英張逢午偕遊淳祐六年二月

十九日

按顧孺履淳熙十一年任英州守

七言絕句一首後書建安李華以戊寅入嶺丁亥上元
來遊 按連州志載李華字實夫建安人嘉定十一年
為州司法嘗建議踈鑿楞伽峽端平二年轉廣東轉運
使通志作端平五年任轉運副使詩有十載南遊纔一到不妨重補到難篇
之句予今亦三過英德而始尋得之信乎到難矣然曰
不妨重補則羽皇之文當南宋時已不可見矣

重遊碧落洞七言絕一首嘉靖庚子孟冬知韶州府事
顧江符錫同遊英德儒學教諭鄭泮訓導朱孔易李萃
其序曰唐聚果寺僧智操探得此洞始引士人遊羽皇
名劉愛始作到難篇余自判及守喜得重遊而明化寺

僧如珣乃謀復聚果僧繼晃又作亭於碧落口號紀之
石云、符錫新喻人嘉靖中判韶州後復來守毀淫祠
興社學剿平九連山寇又於英德南山石壁得宋嘉祐
六年開峽山棧道記遂募民開鑿王漁洋司寇詩所謂
尚憶符韶州架閣擬已焚是也即所書九成臺銘南華
寺碑字亦不俗而何以此文內訛周為劉豈得自傳聞
而踈於考證耶然即此亦見羽皇之文磨滅久矣

晉漁洋先生皇華紀聞謂嶺南古碑刻自昌黎南海神
廟碑外以漢郭蒼周府君碑唐周夔刻難二篇為最然
二篇今皆無之蓋先生亦未見而據書冊所載之耳

康熙丁丑春三月二日益都趙執信薄遊南海歸次莫
德知縣事門人陽城田從典邀同仁和胡士俊天長唐
如則儀真周鼎遊碧落洞周疾阻唐以舟中至者三人
是日甚雨執信題名

南山石壁諸刻

英德南山石壁在縣南一里許鳴絃峰下舊有寒翠亭
今圯石壁上尚有寒翠亭三字不知何人書也

權轉運使度支部中金君卿同太子中舍知軍州事曾
沂遊熙寧甲寅二月十二日

知軍州事廉君玉率巡檢王甫從事鄧中有鄉人譚民

帥劉暉那人李謂同遊元豐七年春正月八日題韶
州府志廖君玉字國華元祐間知吳州當以石刻元豐為正起書堂
於桂山名曰紫桂雖任未嘗廢經史邃理學尤工詩而
不著其何處人

蜀人蘇軾子瞻南遷惠州艤舟巖下与幼子過同游聖
壽寺遇隱者石君汝礪器之詰羅浮之勝至莫乃玄紹
聖元年九月十二日書後有跋云東坡移惠過真陽艤
舟岸下嘗留墨跡於南山邦人刻之石壁中更毀嘗為
好事者磨去上人希賜尚寶其遺墨後四十三年黎陽
李閭宰真陽復命工磨崖紹興七年九月十二日清江

傳芳跋

其文自後而前

按上人希賜即洪容齋三筆所載寫

何公橋詩碑者石汝礪字介夫號碧落子五經多所論

說于易尤契微妙嘗曰易不須注但熟讀細玩則見互相發明揔一乾元亨利貞之道晚年進所著解易圖于朝為王安石所抑東坡謫惠州相遇聖壽寺談易韶志載其有水車記刻南山石壁今亦不見

太守莆陽方希覺民先率溫陵林棐彥忱臨賀梁迴光遠清溪李脩季長同遊紹聖元年十二月望日題南山舊有寒翠亭睇暘島凌烟嶂涵暉谷薰風亭有寺曰聖壽梁果業之舊址也紹聖元年四月方希覺於谷島

之間為衆樂亭亭前為月臺志載方公因暇日閱圖牒徧求南山之勝由回龍石而上得寒翠亭故基拂拭苔蘚覩唐人元傑所留銘因識名於壁間志又載聖壽寺一名南山寺符守常刻元傑洞谷記于石壁之上而今都無可攷矣 志既稱連希覺字民先以紹聖二年知英州而藝文內入載紹聖二年三月衆樂亭記一篇太守連希覺撰其文內乃稱蒲陽方公出守是郡云云韶志之外訛類如此

紹聖丙子重陽後二日北上受代遊蕭世京 按志蕭世京建中靖國時任轉運使蘇集中有與蕭世京尺牘

廣陵孫村靜遊南山子仁宅侍開化江唐臣黃墩程弼
直預焉元符庚辰仲春二十有八日題

南山詩一首題云重建南山亭榭輒成小詩廼建中靖
國元年孟冬五日也朝散大夫知軍州事譚粹按譚
守重建南山亭榭事詔志不載

建安吳仲虎公炳攷陽試罷同貢士朱紘陳時榮期曹
桓安利長卿體仁鄭隲升遊晞暘島崇寧改元午歲中
秋前一日題

又詩大觀戊子留題真陽南山假守李丹
又詩大觀己丑中冬留題南山寺轉運副使吳師能按志

師能大觀三年為轉運副使

大觀己丑臘月朔臨川吳可同鄉人王綱談因新昌李
報上遊姪時敏希男希侍行住持僧居朋繼至

又詩留題南山聖壽寺朝請郎前知郴州馮安上詩
有枯崖有字唐元傑古廟無碑舜二臣之句志載湏陽
南山管舜鳴鉉于其上有二臣之祠烏祠今無攷矣此
刺不著時代按韶志載殿中丞馮寅之子安上字康國
性識穎發行誼精純登政和二年進士時稱人才之盛
咸曰嶺南二馮官吉州別駕尋改廣州權知梧州軍所
至有聲此刺字亦佳似蔡君謨

又詩晞暘島留題連州桂陽令馮安上

又詩南山留題郡人馮晦

此刻亦不著時代字與前

二段筆法無異韶志云馮晦字文顯寅之族子少篤學師於寅有心得尤工詩賦著南山雜咏傳於世

慶元四年十月晦提點刑獄陳晁來遊按陳晁古靈

先生曾孫持節嶺南修復東橋作浮舟以渡民又憫官族流離創安仁宅居之得廢寺田取其歲入給資養

有又有小字一行畧可辨者中蜀仲方屢游

一石隸額三山學圃陳先生醉時歌大醉坐餓卧小醉薑香湯一月二十九日醉百年三萬六千場鸚鵡花無主

春如客歲月可閑人自忙請君相就飲幾日世間窮達
天茫茫嘉泰元年重九日朱子更書

淳祐壬寅東嘉繆夢遠來守古英暇日考圖志搜覽南
山勝槩莽為荒墟詢諸耆舊漫不省委廢歲月於是披
荆誅茅首即寒翠故址而加闢焉市材傭工於苟郡重
建斯亭積壞爬剔佳石畢露季秋上游集郡寮以落其
成回鑣崖壁庸告來者嗣而葺之庶其永存 檢詔志

不但綰守建亭之舉不載且職官內亦無其人

嘉泰元年
淳祐二年

宋淳祐五年歲乙巳月甲申日康成英郡太守帑院壺
山顧先生擷攝征廬陵蕭宗遠招撫峒徭即期來款駢

首心旼斯甚盛事且俾攝郡博士仙遊謝升賢暨聯采
呂醴饒勞之福星館飲徹糾曹達峰顏得過書勒南山
載以歌云云此刻字與歌俱不稱檢韶志淳祐間無顧
守惟顧孺履淳熙十一年任英州守按李文溪碧落洞
題名與顧同遊在淳祐六年正與此合其題名曰莆田
亦与此刻壺山相合此顧守當即孺履且有撫定峒獍
之功尤不可使後人不知其名而志皆闕焉是可憾也
第据此則志中淳熙當有訛字又不應載在嘉定周守
之前然慶元間之余守志乃載在熙寧之前何足深辨
乎

番禺李昂英携兒守道友張逢午來遊淳祐六年二月
十八日 此刻字与碧落洞題名筆勢無二信乎其為
文溪之蹟也

詩云：淳祐壬子四月八日永嘉蕭堪之奉梅磧先生
之命重建是亭回書以誌後十日住山行坦命工鐫諸
石

咸淳庚午稷節甘霖熱霽景物昭融莆陽小園熱英華

國拉山陰南谷燕鎬興周同里東墅徐震卯東甫退公
餘暇遊英之南山

令劉唐卿簿趙昌宗尉李周題

行過連晨阻南山且縱觀地盤江百轉雲逐鳥雙還秋
老菊堪釀境清人未閒泊舟但圖史勿復愧微官八月
博士半塘君邀遊南山吉郡聖山戴有孚 戴有孚永
新人嘉靖三十三年任韶州府通判

亭子毀玄跡猶在翠色滴來衣不沾一段秋光久無主
鳥聲嵐點綠莎尖金城黃諫書後又題云是詩作於天
順四年庚辰刻於明年辛巳亭成之後 觀此刻知明
天順間亭又重建也

積雨暗江郭不知青翠濃寺門隱深竹石路裹疎鐘北
客驚春早南山爲我容應尋讀易子持杖歷雲峰自注

涵暉谷皆有讀易亭康熙壬午春半北海趙執信手題

王象之碑目英德府碑記條下有唐李蕃南巖亭記元
傑果業寺開洞谷記又涵暉谷石壁上元傑刻銘及涵
暉谷等字又唐人刻煮茗臺字又洽光縣開元佛寺頂
心經字畫猶動似虞柳所書今皆不存

泐溪石室諸刻

樂昌縣西三里有泐溪巖一名仙人石室巖高三十餘
丈石室在其下高三丈廣五丈有磨崖樞室二大字相
傳陸羽所書字長寬各三尺餘苟無題款又傳有陸羽
題名訪之不獲

同遊泐溪石室記篆額文凡四百三字末云今天子親
享明堂之歲三月二十五日光祿少卿分司南京余靖
記文林郎試秘書省校書郎知縣事黃昌齡子京書立
并題額邑佐潘彥龍同立石曹溪僧智原刊字

熙寧六年冬臘后二日提點刑獄南康李宗儀按部來
遊時招邑東李勃李巖兄弟同觀祖師石林及陸羽題
名邑簿邢道卿從行

予將玄此而歸楚與同郡胡若濬若浚番易朱企賢邑
人區若愚刻名于西巖石壁時至正十一年辛卯七月
十五日豫章僧懷清題并書

石室內又有一碑曰飛來碑刻真武贊八句句四字其
字似艸似篆不可盡識云自武當飛來蓋妄說也

粵東金石略卷第七

連州金石

燕喜亭諸刻

亭在連州城東一里許韓記古刻久不存惟有近日州牧陶德燾重刻碑耳亭左磨崖勒燕喜亭三字旁曰東臺山人書其對面又有卧龍亭三字款同又有振鷺亭三字筆迹相類字各運三四寸按志舊有湖上十亭元豐十二亭紹興十二亭之名湖上十亭刺史劉禹錫建元豐十二亭紹興十二亭皆以燕喜冠之其下多出後人所建元豐之亭則元豐初郡守杜杆有刻石記而今

無矣紹興之亭紹興間郡守陳日華重立卧龍振鷺其
二也

亭前大石上刻權發遣廣南東路轉運使公事尚書職
方郎中向宗道元伯尚書虞部員外郎知連州軍州事
陸琮寶之同觀燕喜亭舊跡缺一字
似是迹遊北禪寺熙寧辛亥
三月二十七日

前段之上有題字四小石每石四字假守金傑屢同郡
寮會賞于此癸丑歲題 癸丑當是熙寧六年

缺五
字南璟純中韓揭表之朱慥相顧林碩子鎮同遊燕
喜歷覽韓劉遺迹酌天澤泉試北苑芽薄暮而還元豐

辛酉仲夏上休日純中題

正甫未之子鎮陽尉自大雲洞歷順山北禪抵晚造此

時元豐辛酉夏五月十四日

順山即中山

知軍州事長樂陳曷日華父帥同寮落新亭紹興二年

五月晦日

缺一字是然巖張浚携子拭遊燕喜亭陽山唐賦陳宗謬歐陽

獻可歐陽相武夷缺一字翔湘僧元真蜀僧宗缺一字大朴同

來皇宋紹興己巳缺一字似是清明前一日浚書後有小字一行

云門生右從政郎桂陽縣缺一字雷字熱刊州志載陳宗

謬字昌言張魏公喜與論文歐陽獻可字晉州學為古

文為張魏公稱賞皆州人武夷下缺字似是宋按宋翔
字子飛建陽人紹興二十一年進士官湖南安撫參議
有梅谷集建陽與武夷亦合或印此人乎 魏公於紹

興十六年以星變言事忤秦檜以特進提舉江州太平
興國宮連州居住在連館濯纓堂晴夕登列秀亭又為
書院於嘉魚坊其題列秀亭石云廣漢清河郡張浚紹
興丙寅秋被命謫居陽山姪杆男拭侍行重陽前六日
抵郡境使館濯纓堂因晴夕必登列秀亭周覽風物少
釋懷親之思眉山史堯弼自星沙偕來表弟臨邛計孝
併以奉國意繼至省問丁卯寒食日題徙居者八人僧

慧廣使臣楊安王寔黃質何遵密院知客王端親隨賈
似頭陀光衡今此石無知者矣又列秀亭三大字張宣
公書今亦無存 宣公在連題詠甚多湟川八詠猶載
於志城西大雲洞石壁有游朴重镌公詩今亦不可問
矣又龍津門東有養源堂資深齋州人陳宗錡讀書處
陽春門外致一堂歐陽獻可讀書處致一堂魏公所名
也宣公並有賦詠附錄于此致一堂云四瀆匯大海萬
轍歸一途六經在天下屹為衆說郭諸子紛異同頗類
齊門竿止可守偏見豈能及三隅西風吹游埃吾道將
何如歐君好古學有似齊魯儒藏書五千卷窮年與之

娛作堂中山下桂樹高扶踈人言君學古嗜好與世殊
寧知簡篇樂遠勝名利區我管與君遊折簡屢相呼清
談佐竟日有酒時能斟勝事猶未忘四首歲月徂去年
驅車來不憚道里迂作書邀我詩恐為莽堂汙我言浪
自多君聽當虛胡盛欲與君語路遠徒嗟吁知君學已
明可與毛鄭徒但當致其一勿為衆說渝養源堂云遙
峰挿天嘉禾掇蒼崖欲冽溪南流高人結茆會幽興短
籬踈竹寒飈、春風熙、桃杏紅秋月耿、浮長室角
中隱几味真趣浩蕩澄波方寸中我來翹首望九疑暝
烟深處碧雲垂客情已著歸舟去攜筇凝立嘆清斯

辛卯表始於學舍廢垣下得張魏公手題一石第一行
廣漢二字第二行前六二字第三行列字第八行隨字
皆泐去親字泰國字皆空格書碑陰又有題云莆田方
信孺鄭可學汝復魏澤朋林展共城張琢晉安黃應龍
潮陽鍾大鳴玉笥道士劉仝平信孺宗人次山密祖子
左廷左車雨中同登列秀敬觀魏公遺墨嘉定五年九
月乙巳又得湟川八詠斷石詩已缺其二詩後跋云連
本古桂陽郡湟川其別名也山水泉石多勝槩在管名
賢若韓昌黎劉中山皆嘗賦詠入於圖志者不一而是
南軒張先生當宋南渡紹興丙寅侍父魏公浚僑居于

此浚號紫巖出入將相志在恢復惜為時議所忌故免
官而來凡名山勝水無不歷覽暇日列秀亭休息托興
吟詠以暢叙幽情先生取其山水之勝者缺一八命題賦
詩名曰湟川八詠其字禁寄思深遠隱然愛君憂世之心
缺一水春風之趣有不可以形器字禁詩載古郡志未有能
鐫之字禁辛未廣東僉憲任忙忽臺字禁古遺文父老傳誦
其句即字禁以傳歷歲既遠字多殘缺字禁者慨焉然未有
能易之者字禁徐公由憲寄來守斯郡一字禁已懼夫愈久
而失其傳字禁以復其舊遂磨堅珉以字禁刑部侍郎吾公
紳筆字禁成予辭以菲陋不敢附字禁下太守曰識其晦顯

缺余惟自古名賢過化

缺

見於世者多矣然者今八

詠在連

缺

乎人以勒諸

缺

流風餘韻

缺

下心先

缺

者太

缺之存

缺

連

缺

正

缺

日

缺

字半

字半

既得魏公手書一石遂語學官復移樹於列秀亭之右

砌以石方網以八分書題魏公遺墨四字於前又作詩

刻於後使來者有考焉詩附於此我求此石今七年荒

亭敗瓦空蒼烟齋厨垣傾講肆側幾載土覆枯茲鍾魏

公心學本易學忠君愛物非語禪果師塔石緬親志聞

無畏法於徑山觀文學士永州住奉輿奉樞終始為盡

心之堂長沙記四德銘並三省傳中表弟來省寒食送

居但少周樊川韋編杖策罷遠望一臥涼雨青石邊臣
父早時勛斧鉞臣兄漸能語聖賢資深養源箴處况
有媚學人來前後更有人冒雨到仰讀題嘉定間公
之精氣非筆畫猶立懦志貽荒蠻濯纓堂址故咫尺宣
公大字何處騫當時父子共論說想見侍石聽山泉

此詩先有刻本今就後所改定本錄於此

用齋劉燧對淳祐壬寅中秋日携家來遊
燧對時為
州守

楚陽劉乘

楚陽

伯以紹熙癸丑假守此邦回得屢游燕喜

巖谷上未能遍歷戈滿將歸以慶元乙卯二月五日与

客偕來留詩以識云以下漫漶不可讀

八分書郡守朱誥溥祐庠戊五月十日挈家來遊磨崖
以紀歲月

郡學官蒲陽翁森萬安羅彥洪建安吳恭慨前代十二
亭臺荒頽乃重刊圖記于泮宮暇日遊覽尋古跡質實
之曰磨崖以記有侯夫後之能興者正統甲子至日書
森字宏潤正統庚申以舉人署連州學正事學優教
肅出其門者多所成立所刻有太極圖濂溪八先生像
南軒八景詩泮宮池燕喜亭釋奠儀式等圖今學官無
復知之者矣

辛卯二月二日同郡守陳□□潤連山令蔡元旦遊燕

喜之□亭□集流杯池邊

以下不可辨

北山寺觀瀾亭石刻

北山寺在燕喜亭北亦王宏中所創後亭曰觀瀾前曰

流杯觀瀾亭即天澤亭流杯亭即勿幕亭也

天澤亭唐人所建勿幕亭宋始

興時觀瀾之下架石為橋泉出橋東萍藻清澈舊有唐人

刻天澤泉字今不復見石上鐫崔公泉三字字徑數寸

不知何人之筆泉自此潑折而下直至流杯亭西水聲

既清泉味亦冽亭後一石上鐫詩一首後題同野雲再

至竹塘不著名氏折而南入寺門兩柏蒼然百年以外

物也一石上鐫閩中崔世召觀瀾亭新成小集撻字韵
七律廿名字徵仲寧德人萬曆己酉舉人知連州有秋
谷集嘗以峻拒魏璫祠頌德詩被逮者也

大雲洞諸刻

詩一首留題大雲寺石洞桂陽簿鄧

宇熱

誥君寶熙寧六

年癸丑孟夏二十八日

元豐元年戊午秋七月辛丑太守杜公扞觀稼西郊回
招番禺令李勅曲江掾劉經臣遊大雲洞石室遂作樂
宴於覽翠亭凡二十刻乃泛舟南下終飲于棲巖院幕
下鄭觀輔行謹勒諸巖壁以記其盛云耳

郡守何坦就持憲節將行拉提幹楊保中簽判謝休復

新簽判梁价

志作訛訛

教授曾靖推官鄭濛知錄李撰桂陽令

陳汲同遊大雲巖嘉定癸未九秋既望後一日謹誌于

石 何坦廣昌人

淳祐壬寅中秋後用齋劉燧村携家重遊回紀於石後
刻七言律詩一首詩內稱賓客句是其時尚有劉夢得
題刻在也

州西五里大雲巖洞土人呼為龍潭寺張宣公題詠既
不存餘刻亦多漫滅拓出者寥寥此數段耳按唐蔣防
刺連州嘗疏撈伽峽水民便之志載其蹟存者有靜福

山碑飛泳亭磨崖銘飛泳亭問之州人皆無知者或曰
州之龍津門外水中大石上舊有亭以阻過行舟已鑿
去其石亭遂不可問蓋即飛泳也至靜福山則州人皆
能言之所謂靜福寒林也在州北三十里有靜福寺及
訪其碑則是明萬厯間所刻中有唐刺史蔣公題云云
前後皆重刻人所識

王象之碑目有刺史蔣防所立梁廖冲飛并碑復齋碑
錄云廖先生碑為連州刺史蔣珍立而放生池銘乃蔣
防立耳又碑目有元和十一季劉禹錫廳壁記今皆不
存

周子巾山刻字

連州東三里巾山一名翠巾峯周子為廣東提刑遊此
刻蘆泉之源四字于石壁字長寬各二尺結體朴拙而
筆筆不苟穆然有道氣象令人起敬按山陽度正作周
子年表云熙寧元年以呂文獻薦擢廣南東路轉運判
官三年轉虞部郎中提點廣南東路刑獄四年辛亥正
月赴廣南任是年八月改知南康軍此字當刻于是時
楞伽峽石壁字

廣東新語云楞伽峽一石人傳為下蘭所化奇多篆刻
苔蝕不可讀予舣舟其下審視之以水洗苔半日乃見

畫痕非篆刻也其字在丁蘭石之左旁高數丈凡十七

行行十八字字大數寸既為苔所剝蝕又石形皆長窄

體長斜不勻故以為篆耳命工梯而拓之石勢凹凸不

可着紙略得數字楞伽山貞女峽距連州第一行嘉泰士

戌第一行之末一日數東崖第二行之中底舟楫不通第二行之末十九年間

第三行之末為周郡第三行之末四明汪之彊也第十六行之末司黃文書第十七行之末

之末此行只此數字亦不甚分明回檢連州志載楞伽峽宋嘉泰二年崖陷

谿谷倒注航楫不通司法建安李華請于州疏鑿底平

葉適為之記嘉泰二年正是壬戌又志載有司法題名

記一篇連州學校授四明汪之彊記并書始知峽中之

字即記此事惜其文不全矣又按此文首稱楞伽山貞女峽可見今所謂楞伽峽即晉所謂貞女峽也曰補之

韓詩注中

諸道石刻錄有唐貞女峽楞伽臺置寺勅

峽中仙人仰卧石上字

連州三峽曰同冠曰羊跳曰楞伽同冠峽即韓文公賦詩處明崇禎間陽山令李一白始闢冷然洞為觀音巖有題刻在洞口詩字太醜不可存入羊跳峽有一石若仙人仰卧狀其上鐫嘉靖十五年六月之吉永州知州徽人江軾募工開鑿以利過客此事連州志不載故拓而存之

高應選龍巖小記

龍巖一名石鐘巖在陽山縣西四十五里大鯉峽南岸
巖有數層深窅不可測開自萬歷丙戌舊有吳楚材記
內稱憲副大初游公鐫詩洞首今洞額石上仿佛有字
全不可辨而吳記亦不見洞口腐草之氣陰寒聒人內
有飛鼠如人竟不可入所謂石鐘石鼓丹竈石田皆不
可問也惟拓泐萬歷癸丑署連州事西昌高應選撰記
一篇後有州人莫與齊跋又有萬歷甲寅陽山令雲間
馮大受詩碑二皆州人周文煒書

辛卯之春舩舟此巖下則已為僧所居矣洞內架厂可

篝火入入數重路甚凹凸所謂石鐘石鼓升竈石田皆
具又有石龜石蛇皆宛肖寺僧方磨一巨石且乞為記
問之官吏則此處人不解鈎摹須書丹於石遂不果記
張本中聖傳頌

陽山縣北賢令山之背石厓山上有石壁高二丈廣四
丈西向中刻皇宋聖傳頌詩并序字方廣五寸凡二十
八行行十八字至今無苔蘚剝蝕其辭曰父有天下而
以傳之子蓋古今之至情志在斯民而不私其身實帝
王之盛德相承一道惠顧萬邦恭惟今我至尊壽皇聖
帝與向我光堯聖壽太上皇帝至尊之尊為衆父之

父兼父子君臣之美如天地陰陽之行卷舒以時進退
皆正以是傳孫傳子使之宜君宜王雖居萬乘崇高之
中常有一人覆存其上如臨父母而作君師況聖明天
縱早已夙成道德日新克勤無逸是則天下豈有失事
臣民孰不盡情一毫無差萬世永賴行之永永惠我元
元傳家國以無窮與乾坤而共久生民未有億兆均懽
敬拜頌詩仰昭天德聖明世世開皇極父祖時時詔子
孫雖處君師心益小如臨父母敬常存無輕人事知民
重常體天心見道尊共仰照臨如日月永無息壞侶乾
坤有生悉在光明地何物能酬覆載恩敬頌兩宮千萬

壽流傳億代福黎元康成紹熙元年春王正月十有五
日庚午迪功郎連州陽山縣令主管勸農公事臣張本
中敬賦并書後題云其崖在縣之北相去三里大峰之
巔東麓之址絕高且大如屏如砥怪石傍擁翠巒環峙
內則平阪石泉流水路僻雲深天藏地閤聖德著臨光
垂萬祀臣本中重識字古勁道秀粵中宋刻當以此為
最

韓文公書千巖表字

千巖表三字正書大近尺外在賢令山讀書臺前石峯
上相傳為公書倘有銘曰萬石之中巍然雄尊與歲寒

君心契無言舊志云稱歲寒君者山多松栢故也

讀書臺刻字

韓文公讀書臺在陽山縣北二里賢令山上有明萬曆甲午知陽山縣賴一鯉刻韓文公讀書處六字又刻明成化十八年詩一宏治庚戌詩二正德丙寅詩一其詩皆不足存

朝陽洞刻字

亦在賢令山上以東向故名有朝陽洞三字逕五寸許明萬曆乙卯冬邑令雲間馮大受書并有大受題詩詩前有朝陽洞通游息洞七字詩內又夾有小字非增非

注隱隱難辨似是本有小字一段而以大字鐫其上者
明人之字已磨泐如此而張本中所作頌獨無一字缺
畫真可寶也

游息洞刻字

亦在賢令山上一名東石巖有石刻游息洞三字行楷
不知誰作有陳應龍題詩一首朱軒潤華字尚不惡而
詩乃出韻

韓文公像石本

釣魚臺在陽山縣東半里上有文公祠壁嵌石像上有
韓文公像四篆字南海龍水陳昂寫有其款記

韓公釣磯字

明萬曆二十年知陽山縣吳楚材得釣磯于溪中與教諭馮名望訓導區肇龍典史張一德移置溪畔之上石磯長四尺五寸濶一尺餘高二尺五寸上題曰上游仙績旁刻曰簿尉莆田邱熹令永嘉鄭伯謙嘉定改元仲春始作亭于磯上又有楚材及名望等題名又有士孫甫次韓公縣齋讀書韵詩今磯浸于水中其字不可問矣臺上有碑刻韓公釣磯四大字萬曆三十六年南韶兵備道布政使司右叅議長洲吳安國書

米元章書且看山字

且看山三字草書在賢令山之麓石碑上原石不知毀
于何時今碑乃陽山商人某所重立宜其摹勒之不工
也竒題曰宋滄涯尉米芾書字既是艸書又任摹手不
工遂致涯字与涯字相似而陽山志亦遂据之載米芾
滄涯尉真以訛傳訛也

粵東金石略卷第八

肇慶府金石一

七星巖諸石刻

李北海端州石室記正書字徑寸許在大巖洞口凡三

百八十字可辨者三百四十八日者託宿秘篆寄傲神

府撰奇討異注靈通感冥搜海

缺一字志作塊訛

遐矚坤極啟金

闕疏玉堂河漢未際其源今昔嘗

志作字訛

聆其語乃若宛此

山郭介在江墳薄人寰騰物外妙有特起靈表

缺一字志作洞訛

綺田砥平錦嶂聳立擎允洞穴延袤中堂感怪形以萬

殊研地勢以千變伏虎奔象浮梁抗柱激濤海而洪波

沸渭疊

志作欲訛以下缺
二字志作叠訛

而群峰嵯峨飛動逼人屹聳驚視密

微微而三分地道風蕭蕭而一變天時竇乳練於玉顏

石林列於仙座隔

缺一字志作斷訛今
遍視當是斷古他字

塵境矯集福庭野兮寥

兮恍兮惚兮使營魄九昇嗜慾雙遣體若

缺一字

羽翼志若

摩雲天秦漢之間莫知代祀羲皇之上自

缺一字志作或遊
起訛者視下二字

書是
道通當是時也慕名者執雌而退徇物者守心而安求道

者

缺一字

而凝懷書者缺一字而默有若邦伯旱公守恭廣孝聞

缺一字

觀國政門

缺一字

不容於口義心厚行遊者每缺一字能更修

其職民恬其業流冗歸止介特艾安於是命友生挾聚

酌一歌一詠以遨以遊莫不解榻於斯張樂於斯

缺一字
志作

今左讀

是年仲冬尚未改元天聖故以乾興始攝書

天聖戊辰歲二月二日將家累□遊知郡事賈守文記
正書字運寸餘

玉洞雲深夏亦寒□來尋勝久盤桓其間隱約聞雞犬
應有仙桃待一餐景祐丙子冬十月癸丑知息平郡事
楊脩題 正書左讀

提點刑獄周湛同提點刑獄錢聿知郡事包拯同至慶
曆二年三月初九日題 正書字寸餘

慶曆壬午歲臘日郡守將朱顯之同監軍麥仲珣獄掾
楊仲卿攝官梁揆鄉秀崔宗周合浦貢士梁立本游茲

膝境顯之謹題男諷捧硯詢詠侍立 左讀

轉運使尚書郎馬尋子□慶歷三年癸未歲二月三十

□□游斯膝緊春官吏知□端州朱顯□從晦新賀

州幕□□□遜新建□□□袁彥伯□參障□□顯

以下不可辨

七星巖志下是正字顯下是之字第下是杜傳士三字建下六呂已能三字障字作昭顯下之從題三字附記於此

慶歷六年正月十四日轉運判官太常博士張肅子莊
至此男才卿才堅才獻侍行才卿奉命題

西京左藏庫副使新知宜州宋克隆同侍禁劉政赴任
鬱林監軍皇祐元年十二月二十二日題 正書字運

二寸

陶翼書端州崧臺石室文云混元喪精天地均氣融川
結山曷嘗私於一物哉而韜竒毓怪絕與類殊疑得造
化之偏者其崧臺石室欵崖斷穴露呀然而闢闢嵌崆
列巖障掀層巔劃巨石頑青老碧將墜復屹交撐互撐
如竦如立龍蛇蟠蟄烟雲出入中敞平地廣畝側環翠
壁踰仞滴乳成柱凝嵐作蓋若非神驅鬼役鑿空架虛
不棟不橡疇克其壯又不知列仙移來真宰匠出吁其
偉乎圖經謂帝觴百神之所亦九九小洞天之一也谿
泉清泠林鳥嘲嘈猿跳獸擾藤嬰薜纏春葩夏飊秋菊
冬桂皆常常景物奚足詫尚去夏五月儂寇軼境二廣

騷動朝廷命翼參掌漕計助餉軍實明年春賊平每按
部西江停舟下瀨與前郡守曲臺丁寶臣元珍今郡守
殺省江東之唐公乘公之休縱遊為樂窮幽挾勝飫心
飽目回狀厥實用示其來災宋皇祐五年癸巳仲夏首
吉潯陽陶翼商老文

轉運使祠□□□□知事太常博士翁彥升遊此
嘉祐庠子正月五日題 八分書

治平乙巳仲春中旬知郡事皇甫宗憲率荆延年趙宏
曾公然遊此勝槩 正書字徑二寸半

治平三年秋七月廿二日同決曹掾鄧闢伯通遊秘省

丞許立可正之識 正書字徑二寸

提點刑獄尚書郎康衛寶臣同提點刑獄文思副使

咸服尉平熙寧二年己酉歲二月初六日同遊郊社齋

郎康奉詩 郡守殿中丞陳擇題勒

瀟 轉運判官周惇順

寧二年三

□ 月七日遊

軍事推官譚允

高要縣尉曾緒

同至

譚允字子春日
後學呂中備正
歸善學鄭夢得陳
君瞻允并年並汝所
給資之語識時學
掌儀院攝恭同至

蹟 莘

前修郡守中丞康志記下是牧字
然此志亦載元符改元縣志云則
亦未盡也據也七學崇志十六卷
國朝康熙癸亥國中韓作棟輒時記云

按曹學佺名勝志所載与此不同轉運判官周惇願熙寧五年壬子七月廿五日遊軍事推官譚允高要尉曾
儲同至恐是傳寫之訛也

提點刑獄尚書郎康衛再經舊遊寄呈知郡殿丞詩二
首殿中丞知端州事陳懌和韵詩二首熙寧二年三月
十八日刊勒于石室懌書

知郡事王洎及之從事石太同康世南海令劉暉光道高
要令廖蒙師聖元豐四年五月十八日避暑同遊 正書徑
二寸左讀

郭功父石室遊篇在石室內景福二大字之上行楷刻

落飛動文雲端城之北徑五六里有石室兮洞開其上
則七山建斗司天之喉舌其下則淵泉不流潯碧一杯
窺之則肌髮冰結酌之則煩心灰四旁則石乳玲瓏中
敞圓蓋宵宵萬丈莫窮其厓孰仙忠兮嗟肺肝之已露
孰止戈兮束兵仗而相挨儼衛士之行列肅廷臣之序
排紛披披兮帶萼粲挺挺兮條枚安而不可動者為樛
為棟奔而不可止者為虎為豺龜闕首兮屏息糾奮鱗
兮搏雷怪怪奇奇兮千變萬態愈眎愈久兮惚恍驚猜
何人境之俯近而仙宇之秘異如此者哉蘿卷風兮窈窕
春漬芳兮不迴或命佳客或寓幽懷考二李之勁筆

邕紳

皆一時之遺才援玉琴以寫詠懷夕陽之易頽方謝事
以言返卷茲室而徘徊雲愀容兮決潸鳥送音兮悲哀
況百年之將盡邈夫萬里奚復來宋元祐戊辰二月廿
有八日當塗郭祥正子功來治州事即明年以其日
上書乞骸骨作石室遊一首刻之崖間記其姓名與山
俱盡前一行云戊辰三月晦日高要曾令孝傑謝公山
人郭祥正同遊東都事略文藝傳載郭祥正自號謝
公山人後知高安郡請老歸查初白蘇詩補注謂與宋
史本傳不同按梁天監六年置高要郡唐天寶元載改
端州為高要郡高安字蓋要之訛也查疑夫載其知

端州非也

宋史郭祥正傳知端州案去陸子青山此端字入端字之訛

或謂元豐中知端州亦

誤又初白云東坡自海外歸與功甫有唱和詩乃其知端州時也按東坡自海外歸在元符三年庚辰距功甫治端州已十二年初白或未深考耳

元祐辛未許珏監兵罷任敬觀祖父留題

附錄名勝志一條元符改元端午日眉山蘇軾挈家來遊按元符元年戊寅蘇公在儋州安得有端午日挈家遊端州之事且是時公在儋州並無家室亦不得云挈家矣志書記載之訛類如此特辨正之

上日端王即位外潛藩為卿鎮開府之初叨奉明命辛

已夏未到官□壬午暮春暇日携家來遊真陽鄭敦文

正書字選三寸左讀

壬午見崇寧元年

知軍州事張漸子正前晉康假守譚挺直夫郡幕劉約
元悔前清海法掾許安修世永崇寧四年二月十八日
同遊抵暮而歸

遊七星巖

此五字大楷

書機刻字連

五寸許

中間詩詞

不可辨

大觀已

運使中奉詩

月日江陵

政和丁酉暮春程江古草逢時初自新昌移守興慶是
年仲夏真陽馮齊荀祖道起於祥除來貳府政相與咨
詢有請於朝次年春乃被旨陞任大藩政平訟簡歲豐
民樂偶乘閒暇屢訪茲巖酌泉泛觴歷覽佳致目誌歲
月勒於崇崖時政和八年八月二十日書

韓敏求朱積中鄭子永子正吳唐輔同叩星巖石室觀
李公垂洎北海墨刻紹興辛亥十一月己酉張達明題
朱文中孫□目趙季擇李靜州紹興五年仲冬□十□
日同遊 八分書

□邑鄭安恭子禮臨江歐陽庠文周長樂陳致一貫道

三衢賦衛元忠紹興二十八年上元日遊

五言古詩二十四韻後題云浚儀趙雍和仲以淳熙二
年乙未來守肇慶適當殫乏後以拙直理郡事日不暇
給逮丁酉孟秋秩滿府僚俸給不積車士廩餉如期尤
幸聖澤遠被雨暘時若歲事豐穰□平盜弭後使君過
戌月未至始得與郡官同遊茲岩因賦詩命刻諸崖以
紀時教授邱微之夢錫卽度推官權倖許通亨之錄叅
傳濟次山高要令范念祖德□□法郡穆幹臣□□□
權同□林章先紹□□要簿李□師悅尉黃補金石
焉都□□□□用□押趙君冲□□□同□許復□清

前之檢官良弼彥輔寄寓前東完邑宰孟□□臣同來
□十月□惟前教官其致覺之戒官趙彥濤□□以數
十日前離任不与此行□是郡守之子曰浦曰伯清湜
曰伯正泌曰伯淵□曰伯廣□曰伯潤汲曰伯升又曰
湜好湜儀淑□行書字遜寸許

淳熙十五年上元前五日□滿書擇智老伯奶景茂趙
□□□□世亮曰顯黃執矩才用□□□龜仲葛嶠景
高徐益謙臣夏卿飛英子□陸□□鄭□裘若儀吳□
□□□□國瑞聯轡來遊是日春事妍□物情和暢
携壺挈榼□□□□酹行無算酒酣抵掌論□□□□

成清漳梁傅巖史黃擇中夫三山黃壁舒文王澤履之
臨安李岳山甫開封陸濟巨川以寶慶改元正月五日
同來

寶慶丁亥二月既望古端守鄭起沃郡丞□□衛高要
令趙□□劬農于郊曰訪星巖同寮陳顯伯吳昭嗣孫
瑞□應時鄧夢黃擇王良佐趙公堪陳□皆從□日□
宿雨聞霽□□□□□□□□□□□□□□□□子民者之
志也□□□□□□□□□□□□□□□□□□□□□□
正書字運二寸五分在景福洞前壁
南向

端平乙未嘉平朔後二日權郡貳羊石趙崇坡德暘侍

母偕權理曹新興寧令清源曾純景亮法掾三山趙彥
嵎源村權糾高要簿清源趙錚夫君玉寓公提屬清源
莊士雄仲傑携家同遊源叔子澥夫德暘子必錚侍聊
紀歲月云曾趙二詩不具錄

星巖端之滕檠嘉熙戊戌歲重陽之明日區永年呂章
李德秀倫冠卿楊天起區億年林時英梁延祖李伯震
衛觀光梁光祖李伯常趙彥銘張攀龍鄧賓之黃天祐
陳英元梁巖叟李季英葉達可趙漉夫趙若樸同遊

咸淳乙丑良月番禺蘓良同張彭二寅契來遊回以紀
勝 以下七律一首七絕一首詩不具載 正書字延

寸許

燕京月忽乃以中順大夫柳州路總管府達魯花赤易
守是邦公餘率僚屬來觀一竅通明万象呈露滕境也
故鐫此以紀曾遊時至元戊子修璫前一日

右刻後洞觀音像旁其石本是宋梅溪劉公澍改碑而此鑿刻其上
字連二寸許正書不仕

七律一首提刑按察華峰張顯祖子正至元戊子冬日
朔行書字連二寸餘在洞內壁東南向

洪武元年冬十二月朝使汪公敬宗啓宗中書宣郎遊
□奉命出市馬至廣東暇日遊□星巖命瓊山令李
思迪□記俾令書之董子刻□二月念一日廣東衛使

關望偕行李風尚可久□□已丑春南□陪傳□朝使
汪公宣郎趙公重遊于此諸公咸命余書以□□余
因其詩□援筆而□□□大明洪武七年歲次甲寅二
月念一日崧臺諸生□□□書 正書字迺八分許

嘉靖丁亥臘月之朔新建伯餘姚王守仁來遊

此條据名
勝志載入

測之伯通伯源介夫同遊汲泉煮茶清論竟日 正書

左讀不著時代

雨川翁夢鯉詩二首行艸書

戊寅季夏晦前二日赴雲峰缺

招遊

東浙缺陽趙志臯詩一首艸書

惠安黃克晦詩一首正書

橫書一洞天三字入橫書七星巖三字字二尺許去地
六七丈嘉靖庚戌李龍題又璇璣臺三字篆書字近七
八寸又李開芳八分朱書碧霞洞三大字字二尺許去
地六七丈不著時代

大巖口外七星洞天四大字又七星巖三大字皆去地
三丈許巖外右壁上万仞具瞻四大字篆書去地十丈
許皆不見書人姓氏

大巖之左副墨巖巖口橫刻篆書副墨岩三字萬國禎
題劉克平書

副墨巖深處一段皇祐庚寅九月廿九日丁瑄臣閣登
張士宗同遊王逢題 其文自後而前

真武殿門上一段萬歷己丑仲夏念三日南京太僕寺
少卿東莞尹瑾同提督南直隸狼山副總兵東安陳璘
遊此

玉屏巖玉皇殿右醉石上橫刻醉石二字字三寸許旁
小字再譴白題

玉皇殿門口石壁霄闕二大字字四寸許行書崇禎戊
寅古岡易奇際馮巖題門人鄧應璋

半山石刻玉屏二字行書字四寸許書人姓名不可辨

山半大石橫臥其面刻扶嘯臺三字篆書無書人姓名
副墨巖內間有宋祖無擇石刻訪之不獲又聞羚羊峽
硯坑內摩崖刻治平四年歲次丁未重開此古巖字亦
未及訪

三洲巖諸石刻

祖無擇來皇祐二年二月望日

轉運使度支部中金君卿熙寧八年三月初九日遊男
哲民俊民侍行

江西傳□光假守晉康經此男球琳玕侍行都赴黃彥
林端溪縣尉孫慎微預遊政和四年甲午七月初十日

門人張傳題

紹興壬子十月廿有三日後儀趙慶裔長吉同弟廬裔
對隅方裔季矩妖穢種奉親來遊三洲巖八分書

余琛命工刻

桐廬詹儀之體仁以職事任由淳熙丙申二月六日

留題三洲洞宰端溪蕭淵言七律一首正書

正統八年二月總督王清詩

成化二年閏三月姑蘇韓雍詩

成化六年余志詩

成化癸巳按察使呂洪詩

嘉靖乙丑仲春按察司公事施儒詩

杉谷魏良貴詩

東吳王鼎詩

嘉靖丙午叅政張烜書雲窩二大字

德慶州志載三洲巖有題云東坡居士自海南還來遊
武陵弓先明夫東坡幼子過村黨同至元符三年九月
廿四日也今此段石厓何年劈去其旁猶有東坡遺蹟
四字可辨

志又載巖內題云濂溪周惇頤茂村熙寧元年戊申季
冬廿六日遊此段訪之不獲

廣東新語載三洲巖有李綱題玉乳岩三大字祖無擇
銘之然今覓李綱所題字竟不見李綱南宋人祖無擇
何從而銘之耶此記載之可笑者也

巖在東安德慶界上東安別有九星巖間有元祐諸題
刻今訪之不獲惟明人磨崖詩一章詩字皆無足觀

陽春巖題字二段

轉運判官周惇頤茂叔熙寧二年正月一日遊

予回按部稅駕此山皇祐二年仲冬月十九日范陽祖
無擇記 康宣歲端州匠人黎善誘刊

二段並在城北八十里銅石巖石室前德慧寺上半壁

間入聞巖有瀛溪題句及胡邦衡詩又龍蛻巖有元至
正間刻字今訪之皆不獲

陽春諸巖之勝以崆峒巖為最入門一段石勢軒豁玲
瓏殆出七星之上後則不稱矣巖無古刻惟近時曹地
山侍郎大書雲巖二字於石壁高處